

Dornskridoù Milin : Kanaouennoù

51. (PLAC'H AR SEIZ DIMEZI - JANED AR WERN)

Neizur n'em oa kousket banne
na fennoz ne rinn adarre
nag o klevet eunn aer viber
o kana skiltr var bord ar ster
hag hi a lavar dre he c'huiban
n'euz dimezi nemet unan
ha me siouaz din emezhi
am euz gret /seiz/° dimezi ° a-us : tri

Pa z eaz ar plac'h man d'an iliz
'oa ker kaer hag eur fourdiliz

dre ma tostea oc'h ann aoter
ez ea ken du ha Lucifer

he zad he mam p'ho deus gwelet
d'ann daourn° zo en em strinket ° Kompren moarvat :
Da bidi Doue hag ar zent d'an douar.
ma teuje he liou evel kent

Pa oa peurechuet ann eured
ar plac'h nevez zo dianket

Sonner ann eured o tonet
eunn aotrou en devez gwelet
eunn aotrou en devez gwelet
hag outan en deuz goulennet
Lavar din sonner ann eured
/ha ° c'hoari zo enn eured/ ° a-us : kalz
ha kalz a c'hoari a zo bet

- C'hoari awalc'h ennhi zo bet
/met/ ar plac'h /nevez/ zo dianket
/tad ann eured a zo nec'het/
ann aotrou en deuz° lavaret ° W-devez
neuze da zonner ann eured

- 134 -

Lavar din sonner ann eured
ha kountant e vez d'he gwelet

Kountant awalc'h oun d'he gwelet
nemet n'em beze droug ebed
N'oa ket he c'her peurlavaret
m'oa° enn Ifern diskennet

° adreizhet ha skri-
vet : mad oa

ar plac'h nevez en deuz gwelet
hag hi outhañ he deuz komzet

Bonjour did sonner va eured
p'oud d'an Ifern deut d'am gwelet

Ann diaoul en deuz lavaret
d'ar plac'h p'en X-devez he c'hlevet

petra roi da zonner d'eured
p'eo deut d'ann Ifern d'as kwelet

Ro dezhan gwalen da eured
/hag ouspen/° da chapeled
ro ivez c'hoaz da chapeled
da rei d'as vam baour da viret
da rei d'as vam baour da viret
a zo gan-es gwall glac'haret
hag hi neuze rei hi gwalen
hag he chapeled c'hoas ouspen
hag ouspenn c'hoaz he chapeled
da gas d'he mam baour da viret
N'oa ket ar zoner pell diouthi
/m'he c'hlevaz/

° a-us : ro ivez
c'hoaz

ma oe taolet enn tan da /zevi/° ° a-us : leski

vvvvvvvv